



საქართველოს იუსტიციის სამინისტრო
საჯარო სამართლის იურიდიული პირი – მონაცემთა გაცვლის
სააგენტო

სატენდერო დოკუმენტაცია
ინტერნეტ მომსახურების სახელმწიფო შესყიდვა
გამარტივებული ელექტრონული ტენდერი
(CPV - 72400000)

დაფინანსების წყარო – 2015 წლის სახელმწიფო ბიუჯეტი
სავარაუდო ღირებულება – 4 800 ლარი

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს კანონის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე. <http://procurement.gov.ge/>

2014 წელი
ქ.თბილისი

სატენდერო დოკუმენტაცია

სარჩევი

1. ინსტრუქცია გამარტივებულ ელექტრონულ ტენდერში მონაწილეობის მისაღებად
2. ტექნიკური დავალება
3. დანართი #1 სახელმწიფო შესყიდვის შესახებ ხელშეკრულების პროექტი
4. დანართი #2 - რეკვიზიტები

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).

1.2. სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7. პრედენდენტს არა აქვს უფლება წარმოადგინოს ალტერნატიული წინადადება.

1.8. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით.

2. ტექნიკური დავალება

2.1. შესასყიდი ობიექტის დასახელება, აღწერილობა, მოცულობა ვადები,

2.1.1. შესყიდვის ობიექტია ინტერნეტ ქსელის მომსახურება, რომელიც გულისხმობს შემსყიდველი ორგანიზაციის 2 ცალცალკე ოპტიკურ-ბოჭკოვანი კაბელის მეშვეობით, ინტერნეტ-კავშირით უზრუნველყოფას, შემდეგი სიჩქარეებით:

1. I არხი

ცენტრალური ოფისის (ქ.თბილისი, წმ.ნიკოლოზის/ნ.ჩხეიძის ქ. #2)

ა) უცხოურ რესურსებთან –სინქრონული არანაკლებ 10 მბ/წმ

ბ) ქართულ რესურსებთან – სინქრონული არანაკლებ 100 მბ/წმ

გ) 8 ცალი IP მისამართიანი ქვექსელის გამოყოფა/მოწოდება

დ) მიმწოდებელი უზრუნველყოფს შემსყიდველ ორგანიზაციას ინტერნეტ-კავშირით და ამ კავშირის უცხოურ რესურსებთან –არანაკლებ სინქრონული 10 მბ/წმ-ის და ქართულ რესურსებთან –სინქრონულ არანაკლებ 100 მბ/წმ-ის სიჩქარეს ყოველდღე, 24 საათის განმავლობაში.

ე) შეერთება ინტერნეტ პროვაიდერსა და შემსყიდველ ორგანიზაციას შორის - BGP პროტოკოლის გამოყენებით

1. II არხი

ცენტრალური ოფისის (ქ.თბილისი, წმ.ნიკოლოზის/ნ.ჩხეიძის ქ. #2)

ა) უცხოურ რესურსებთან –სინქრონული არანაკლებ 10 მბ/წმ

ბ) ქართულ რესურსებთან – სინქრონული არანაკლებ 100 მბ/წმ

გ) მიმწოდებელი უზრუნველყოფს შემსყიდველ ორგანიზაციას ინტერნეტ-კავშირით და ამ კავშირის უცხოურ რესურსებთან –არანაკლებ სინქრონული 10 მბ/წმ-ის და ქართულ რესურსებთან –სინქრონულ არანაკლებ 100 მბ/წმ-ის სიჩქარეს ყოველდღე, 24 საათის განმავლობაში.

დ) შეერთება ინტერნეტ პროვაიდერსა და შემსყიდველ ორგანიზაციას შორის - BGP პროტოკოლის გამოყენებით

2.1.2 შესყიდვის ობიექტის მიწოდება განხორციელდება, 2015 წლის 01 იანვრიდან 2015 წლის 31 დეკემბრის ჩათვლით არსებული პერიოდის განმავლობაში.

2.2. შესყიდვის ობიექტის ღირებულების გაანგარიშება:

2.2.1. პრეტენდენტმა უნდა წარმოადგინოს შესყიდვის ობიექტის ყოველთვიური და ჯამური ღირებულება. აღნიშნული ღირებულება უნდა ითვალისწინებდეს ყველა საჭირო ხარჯს და მოქმედი კანონმდებლობით დადგენილ ყველა გადასახადს, მათ შორის დღგ-ს. ნებისმიერი ხარჯი ან გადასახადი, რომელიც არ შევა ამ ღირებულებაში არ ანაზღაურდება შემსყიდველი ორგანიზაციის მიერ.

2.2.2. პრეტენდენტის მიერ წარმოდგენილი სატენდერო წინადადების ფასი (ხელშეკრულების საერთო ფასი) უნდა შეადგენდეს მიწოდების ვადის განმავლობაში გადასახდელი, შესყიდვის ობიექტის ჯამურ ღირებულებას.

2.3. ანგარიშსწორების სავალდებულო პირობები:

2.3.1. ანგარიშსწორება მოხდება ლარებში, შესაბამისი საანგარიშსწორებო დოკუმენტების წარმოდგენიდან 15 სამუშაო დღის ვადაში.

2.3.3. გადახდის ფორმა - უნაღდო.

2.3.4. მიმწოდებელს აუნაზღაურდება ყოველ კალენდარული თვის განმავლობაში ფაქტიურად გაწეული მომსახურება, მომსახურების გაწევის შემდეგ, მხარეთა მიერ სათანადოდ გაფორმებული საანგარიშსწორებო დოკუმენტაციის საფუძველზე.

2.3.5. სახელმწიფო შესყიდვის დაფინანსების წყაროა სახელმწიფო ბიუჯეტი.

2.4 პრეტენდენტის მიერ სისტემაში ასატვირთი მონაცემები:

2.4.1 რეკვიზიტები (დანართი 2);

2.4.2 მომსახურების ხარჯთაღიწესი (ერთეულის ფასი, საერთო ფასი) და ინფორმაცია გასაწევი მომსახურების ვადების შესახებ;

შენიშვნა: სისტემაში ატვირთული დოკუმენტები ხელმოწერილი უნდა იყოს ხელმძღვანელის ან პრეტენდენტის უფლებამოსილი პირის მიერ შესაბამისი უფლებამოსილების დამადასტურებელი დოკუმენტის თანდართვით.

საკონტაქტო პირები:

სატენდერო კომისიის წევრი ნიკოლოზ გაგნიძე ტელ: 2-91-51-40/106; 555606003;

ელ.ფოსტა: ngagnidze@dea.gov.ge

სატენდერო კომისიის წევრი დავით ათაბეგშვილი ტელ: 2-91-51-40/102; 577620402;

ელ.ფოსტა: databegashvili@dea.gov.ge

სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციის ტექნიკური დავალებით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციაში ასახულ სავალდებულო პირობებს.

ქ. თბილისი

20__ წელი

იმის გათვალისწინებით რომ, შემსყიდველი ორგანიზაციის მიერ გამოცხადებულ ინტერნეტ ქსელის მომსახურების შესყიდვაზე გამოცხადებულ გამარტივებულ ელექტრონულ ტენდერში გაიმარჯვა ----- სატენდერო წინადადებამ, აღნიშნული სატენდერო წინადადების საფუძველზე, ერთის მხრივ, მონაცემთა გაცვლის სააგენტო, (შემდგომში – შემსყიდველი ორგანიზაცია), წარმოდგენილი სააგენტოს თავმჯდომარის ირაკლი გვენეტაძის სახით და მეორეს მხრივ, „-----“ (შემდგომში - მიმწოდებელი), მისი დირექტორის ----- სახით, ვხელმძღვანელობთ რა სახელმწიფო შესყიდვების შესახებ საქართველოს კანონის და საქართველოში მოქმედი სხვა კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია ინტერნეტ მომსახურების CPV – 72400000 (შემდგომში - შესყიდვის ობიექტი) შესყიდვა.

1.2. შესყიდვის ობიექტია ინტერნეტ ქსელის მომსახურება, რომელიც გულისხმობს შემსყიდველი ორგანიზაციის 2 ცალცალკე ოპტიკურ-ბოჭკოვანი კაბელის მეშვეობით, ინტერნეტ-კავშირით უზრუნველყოფას, შემდეგი სიჩქარეებით:

1. I არხი

ცენტრალური ოფისის (ქ.თბილისი, წმ.ნიკოლოზის/წ.ჩხეიძის ქ. #2)

ა) უცხოურ რესურსებთან – სინქრონული არანაკლებ 10 მბ/წმ - 12 თვე;

ბ) ქართულ რესურსებთან – სინქრონული არანაკლებ 100 მბ/წმ - 12 თვე;

გ) 8 ცალი IP მისამართიანი ქვექსელის გამოყოფა/მოწოდება;

დ) მიმწოდებელი უზრუნველყოფს შემსყიდველ ორგანიზაციას ინტერნეტ-კავშირით და ამ კავშირის უცხოურ რესურსებთან – არანაკლებ სინქრონული 10 მბ/წმ-ის და ქართულ რესურსებთან – სინქრონულ არანაკლებ 100 მბ/წმ-ის სიჩქარეს ყოველდღე, 24 საათის განმავლობაში.

ე) შეერთება ინტერნეტ პროვაიდერსა და შემსყიდველ ორგანიზაციას შორის - BGP პროტოკოლის გამოყენებით

1. II არხი

ცენტრალური ოფისის (ქ.თბილისი, წმ.ნიკოლოზის/ნ.ჩხეიძის ქ. #2)

ა) უცხოურ რესურსებთან –სინქრონული არანაკლებ 10 მბ/წმ - 12 თვე

ბ) ქართულ რესურსებთან – სინქრონული არანაკლებ 100 მბ/წმ - 12 თვე

გ) მიმწოდებელი უზრუნველყოფს შემსყიდველ ორგანიზაციას ინტერნეტ-კავშირით და ამ კავშირის უცხოურ რესურსებთან –არანაკლებ სინქრონული 10 მბ/წმ-ის და ქართულ რესურსებთან – სინქრონულ არანაკლებ 100 მბ/წმ-ის სიჩქარეს ყოველდღე, 24 საათის განმავლობაში.

დ) შეერთება ინტერნეტ პროვაიდერსა და შემსყიდველ ორგანიზაციას შორის - BGP პროტოკოლის გამოყენებით.

2. შესყიდვის ობიექტის ღირებულება

2.1. ერთ თვეში შესყიდვის ობიექტის ღირებულება შეადგენს ----- ლარს, საქართველოს მოქმედი კანონმდებლობით გათვალისწინებული გადასახადების გათვალისწინებით.

2.2. ხელშეკრულების საერთო ღირებულება შეადგენს ----- (----- ---) ლარს, საქართველოს მოქმედი კანონმდებლობით გათვალისწინებული გადასახადების გათვალისწინებით.

3. შესყიდვის ობიექტის მიწოდების ვადები და ადგილი

3.1. შესყიდვის ობიექტის მიწოდება განხორციელდება 2015 წლის ----- 2015 წლის 31 დეკემბრის ჩათვლით არსებული პერიოდის განმავლობაში.

3.2. შესყიდვის ობიექტის ადგილია ქ.თბილისი, წმ.ნიკოლოზის/ნ.ჩხეიძის ქ.#2.

4. შესყიდვის ობიექტის მიღება-ჩაბარების წესი

შესყიდვის ობიექტი ან მისი ნაწილი ჩაითვლება მიღებულად მიმწოდებლის მიერ შემსყიდველი ორგანიზაციისათვის შესყიდვის ობიექტის ან მისი ნაწილის ფაქტობრივი მიწოდების შემდეგ და შესაბამისი საანგარიშსწორებო დოკუმენტაციის ხელმოწერის შემდეგ.

5. ანგარიშსწორების ფორმა, ვადა, ადგილი

5.1. მიმწოდებელს, შესყიდვის ობიექტის ღირებულება აუნაზღაურდება, ყოველთვიურად, უნაღდო ანგარიშსწორებით, მხარეთა მიერ გაფორმებული შესაბამისი საანგარიშსწორებო დოკუმენტების წარმოდგენიდან 15 (თხუთმეტი) სამუშაო დღის ვადაში.

5.2. ანაზღაურების ადგილია ქ.თბილისი.

6. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

6.2.1. აუნაზღაუროს მიმწოდებელს შესყიდვის ობიექტის ღირებულება ხელშეკრულებით გათვალისწინებული პირობების შესაბამისად;

6.2.2. წერილობითი ფორმით დაუყოვნებლივ აცნობოს მიმწოდებელს რაიმე ნაკლის აღმოჩენის შესახებ.

6.3. შემსყიდველ ორგანიზაციას უფლება აქვს:

6.3.1. დღე-ღამის ნებისმიერ მონაკვეთში, საკუთარი შეხედულებისამებრ ისარგებლოს მომსახურებით და გამოიყენოს იგი მოქმედი კანონმდებლობით ნებადართული ნებისმიერი მიზნებისათვის.

6.3.2. ხელშეკრულების შესრულების ნებისმიერ ეტაპზე განახორციელოს კონტროლი და ზედამხედველობა მიმწოდებლის მიერ ხელშეკრულებით ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.

6.4. მიმწოდებელი ვალდებულია:

6.4.1. მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად.

6.4.2. უზრუნველყოს შემსყიდველი ორგანიზაცია უწყვეტი ინტერნეტ-კავშირით და ამ კავშირის ხელშეკრულებით გათვალისწინებული სიჩქარე ყოველდღე, 24 საათის განმავლობაში.

6.4.3. საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ნაკლის აღმოფხვრა.

6.5. მიმწოდებელს უფლება აქვს მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

7. ხელშეკრულების ინსპექტირების პირობები

ხელშეკრულების ინსპექტირებას განახორციელებს შემსყიდველი ორგანიზაციის მონაცემთა გაცვლის ინფრასტრუქტურის სამმართველოს უფროსი (უფროსის მოვალეობის შემსრულებელი).

8. მხარეთა პასუხისმგებლობა ხელშეკრულების პირობების დარღვევისას

8.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

8.2. თუ ერთი-ერთი მხარე ხელშეკრულებით გათვალისწინებულ ვადაში არ ასრულებს შესყიდვის ობიექტთან დაკავშირებულ ვალდებულებას, მეორე მხარე წერილობითი ფორმით აფრთხილებს მას შესრულოს ხელშეკრულებით ნაკისრი ვალდებულება.

8.3. ერთ-ერთი მხარის მიერ ვალდებულების კვლავ შეუსრულებლობის შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

8.4. იმ შემთხვევაში, თუ დადგინდა, 30 კალენდარული დღის განმავლობაში შემსყიდველი ორგანიზაციის ცენტრალურ ოფისში, მიმწოდებლის მიზეზით, შეწყდა ინტერნეტ კავშირი დღეში 2 (ორი) საათზე მეტი ხანგრძლივობით, შემსყიდველი ორგანიზაციას უფლება აქვს მოსთხოვოს, ხოლო მიმწოდებელი ვალდებულია გადაიხადოს პირგასამტეხლო შესყიდვის ობიექტის ყოველთვიური ღირებულების 5 (ხუთი) პროცენტის ოდენობით.

8.5. ინტერნეტ კავშირის შეწყვეტის ვადა აითვლება 2 საათის ამოწურვის შემდეგ, მისი დაფიქსირების მომენტიდან.

8.6. შემსყიდველ ორგანიზაციას, მის მიერ ანგარიშსწორების ვადის დარღვევის შემთხვევაში, დაეკისრება პირგასამტეხლო ყოველ ვადაგადაცილებულ დღეზე თვეში შესყიდვის ობიექტის ღირებულების 0.3 პროცენტის ოდენობით.

8.7. თუ ხელშეკრულების ერთი მხარისთვის დაკისრებული პირგასამტეხლოს ჯამური თანხა გადააჭარბებს შესყიდვის ობიექტის საერთო ღირებულებას, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

9. ფორს-მაჟორული სიტუაციები

9.1. მხარეები პასუხისმგებელნი არ არიან თავიანთ ვალდებულებათა შეუსრულებლობაზე, თუ ის გამოწვეულია ისეთი გარემოებებით, როგორიცაა: საომარი მოქმედებები, წყალდიდობა, ხანძარი, მიწისძვრა, სხვა სტიქიური მოვლენები, აგრეთვე წინასწარ გაუთვალისწინებელი, აუცდენელი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.

9.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების, მათი გამომწვევი მიზეზების შესახებ.

9.3. თუ ფორს-მაჟორული გარემოებების გამო სახეზეა მხარის მიერ ვალდებულების დროებითი შეუსრულებლობა, იგი უგზავნის წერილობით შეტყობინებას მეორე მხარეს ასეთი გარემოებების და ვალდებულების შეუსრულებლობის ხანგრძლივობის შესახებ. თუ მეორე მხარე არ დათანხმდა ვალდებულების შესრულების ვადის გაგრძელებაზე, ის წყვეტს ხელშეკრულების მოქმედებას.

10. ხელშეკრულების პირობების გადასინჯვა

10.1. მხარეთა შეთანხმებით შესაძლებელია განხორციელდეს ხელშეკრულების პირობების ნებისმიერი ცვლილება, გარდა ისეთი ცვლილებისა, რომლითაც იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული შემთხვევებში ხელშეკრულების ღირებულების გაზრდა დასაშვებია არაუმეტეს ხელშეკრულების ღირებულების 10 პროცენტისა.

10.2. ნებისმიერი ცვლილება და დამატება ამ მუხლის გათვალისწინებით ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

11. ხელშეკრულების მოქმედების შეწყვეტა

11.1. ხელშეკრულება ავტომატურად წყვეტს მოქმედებას თუ გავიდა ხელშეკრულების მოქმედების ვადა.

11.2. ხელშეკრულება შეიძლება შეიძლება შეწყდეს ცალმხრივად:

ა. თუ მეორე მხარე არ ასრულებს ან არსებითად არღვევს ხელშეკრულებით ნაკისრ ვალდებულებას.

ბ. სამოქალაქო კოდექსის 398-ე მუხლით გათვალისწინებული გარემოებების დადგომისას, როცა მეორე მხარე უარს ამბობს ხელშეკრულების მისადაგებას შეცვლილ გარემოებებთან, ან შეუძლებელია შეცვლილ გარემოებებთან ხელშეკრულების მისადაგება. სამოქალაქო კოდექსის 398 მუხლით გათვალისწინებული გარემოებების გამო ხელშეკრულების შეწყვეტისას შემსყიდველმა ორგანიზაციამ უნდა აუნაზღაუროს მიმწოდებელს აღნიშნულ გარემოებებამდე განხორციელებული მიწოდება

გ. თუ მის მიერ ხელშეკრულებით გათვალისწინებული ვალდებულებების შესრულება შეუძლებელია ფორს-მაჟორული გარემოებების გამო ან თუ მის მიერ ხელშეკრულებით გათვალისწინებული ვალდებულების შესრულება შეუძლებელია დროებით და მეორე მხარე უარს ამბობს ვალდებულების შესრულების ვადის შესაბამისად გაგრძელებაზე. ფორს-მაჟორული გარემოებების გამო შესყიდვის ობიექტის მიწოდების შეუძლებლობის გამო ხელშეკრულების შეწყვეტისას მიმწოდებელს უნდა ანაზღაურდეს ფორს-მაჟორული გარემოებების დადგომამდე განხორციელებული მიწოდება.

12. ხელშეკრულების მოქმედების ვადა

ხელშეკრულება ძალაშია ხელმოწერის დღიდან და მოქმედებს 2016 წლის 31 იანვრის ჩათვლით.

13. დავა და მისი გადაწყვეტის წესი

13.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

13.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

14. სხვა პირობები

14.1. ხელშეკრულების დანართი #1 წარმოადგენს ხელშეკრულების განუყოფელ ნაწილს თან ერთვის მას.

14.2. ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით.

14.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.4. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.5. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.6 მიმწოდებელი პასუხს არ აგებს შემსყიდველი ორგანიზაციის მიერ განხორციელებულ, გადაცემულ და მიღებულ ინფორმაციაზე.

მხარეთა რეკვიზიტები

შემსყიდველი: შემსყიდველი მიმწოდებელი სსიპ მონაცემთა გაცვლის სააგენტო ქ. თბილისი, 0102, წმ. ნიკოლოზის/ნ.ჩხეიძის N 2 ს/კ 204577699 ტელ: 2915140 (102) სახელმწიფო ხაზინა კოდი 220101222 ა/ა #200122900 ----- სააგენტოს თავმჯდომარე ი.გვენეტაძე	მიმწოდებელი
---	---------------------------

დანართი N2

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში: